

গণদাঙ্গা

সোস্যালিস্ট ইউনিটি সেন্টার অফ ইন্ডিয়া'র বাংলা মুখপত্র (সাপ্তাহিক)

৯৯ বর্ষ ২৭ সংখ্যা ২৩ ফেব্রুয়ারি - ১ মার্চ ২০০৭

প্রধান সম্পাদক : রণজিৎ ধর

মূল্য : ১.৫০ টাকা

দেশিবিদেশি পুঁজির স্বার্থে সিপিএম জমির উর্ধ্বসীমা তুলে দিতে চাইছে

বহু রক্তবরা কৃষক আন্দোলনের পথ বেয়ে এ রাজ্যে চালু হয়েছিল 'জমির উর্ধ্বসীমা আইন'। ক্ষমতায় পাকাপাকিভাবে বসার পর, নব্বই দশকের শুরু থেকে তা সংশোধন করে করে সিপিএম ফ্রন্ট সরকার এই আইনের উদ্দেশ্যই ক্রমাগত ব্যর্থ করে দিতে থাকে।

কফিনে শেষ পেরেকটি ঠুকে দেবার পাকা ব্যবস্থা এবার তারা করেছিল নতুন আর একটি সংশোধনী এনে। বিধানসভার গত সংক্ষিপ্ত অধিবেশনেই ভূমিসংস্কার আইনের এই সংশোধনীটি পাশ করিয়ে নিতে তৎপর হয়ে উঠেছিল সিপিএম নেতৃত্ব। ফ্রন্টের অন্যান্য শরিকদলকে না জানিয়ে এভাবে গোপনে আইন বদলের চেষ্টার বিরুদ্ধে শরিকরা আপত্তি তোলায় বিলটি বিধানসভায় সিলেক্ট কমিটিতে যাবে বলে সিদ্ধান্ত হয়। আসন্ন বাজেট অধিবেশনে এই সংশোধনী পাশ করতে ব্যর্থ সিপিএম আবার শরিক দলগুলির বাধার মুখে পড়েছে। সিলেক্ট কমিটির সভাতেও একমত হয়নি। সিপিএম নেতাদের আচরণ থেকে বোঝা যায়, এই সংশোধনী পাশ করাতে তারা বদ্ধপরিকর। কেন ও কাদের স্বার্থে সিপিএম ফ্রন্ট সরকার এ কাজটি করতে চাইছে তা সমাধিকভাবে উপলব্ধি করা দরকার। প্রস্তাবিত এই আইনে বলা হয়েছে —

“শিল্প, বাণিজ্য, বা পরিকাঠামো, অথবা চা-বাগান, মিল, ফ্যাক্টরি ইত্যাদিকে সিলিংয়ের বাড়তি জমি দখলে রাখতে দেওয়া হবে, যতটা জমি শিল্প, বাণিজ্য, পরিকাঠামো, অথবা চা-বাগান, মিল-ফ্যাক্টরি স্থাপনের জন্য দরকার।” সারকথা হ'ল, এই সংশোধনীর ফলে দেশি-বিদেশি পুঁজিপতিরা শিল্পস্থাপন, ব্যবসাবাণিজ্য (মানে রাখতে হবে, আবাসনও একটা বড় বাণিজ্য), পরিকাঠামো ইত্যাদির জন্য যত খুশি কৃষি-অকৃষি জমির মালিক হতে পারবে। রাজ্য সরকারের অনুমতি নিতে হবে ঠিকই, কিন্তু সেটা কোন বাধা নয়। অনুমতি দেওয়ার জন্য বুদ্ধদেববাবুর রাজ্য সরকার এক পায়ে খাড়া।

এ রাজ্যে জমিদারি প্রথার বিলোপ হয়েছিল ১৯৫৩ সালে। জমিদারি প্রথা বিলোপের পর চালু হয় পশ্চিমবঙ্গ ভূমিসংস্কার

আইন, ১৯৫৫। এই আইনে মধ্যস্থত্বপ্রথায় যারা প্রজা ছিল তাদের সরাসরি জমির মালিক বলে ঘোষণা করা হয়, জমিদারের হাতে ন্যস্ত জমি 'খাস' করা হয়, অর্থাৎ সরকারের ঘরে কালেক্টারের ১নং খতিয়ানভুক্ত করা হয় এবং জমির মালিকানার সিলিং অর্থাৎ উর্ধ্বসীমা নির্ধারণ করা হয়। কিন্তু এই সিলিং আইনের ত্রুটি হ'ল — সিলিং ছিল ব্যক্তিভিত্তিক, অর্থাৎ একজন ব্যক্তি সর্বোচ্চ ২৫ একর (৭৫ বিঘা) জমির আইনসম্মত মালিক হতে পারত। আইনের এই দুর্বলতার সুযোগ নিয়ে গ্রামবাংলার জোত দার-মহাজনেবরা কংগ্রেসি সরকার ও পুলিশ-প্রশাসনের মদতে বিপুল পরিমাণ জমি নিজেদের আত্মীয়স্বজন, বাড়ির কাজের লোক, এমনকী কাজের লোকের আত্মীয়স্বজন ইত্যাদির নামে বেনাম করে রাখত। ফলে আইনি পদ্ধতিতে

এই জমি উদ্ধার করা একরকম অসম্ভব ছিল। এই পরিস্থিতিতে গ্রামবাংলায় গড়ে তোলা হয়েছিল, 'বেনাম জমি উদ্ধার' আন্দোলন। গৌরবোজ্জ্বল এই কৃষক আন্দোলনের ফলে সেদিন ১০ লক্ষ একরের বেশি কৃষিজমি জোতদার-মহাজনদের কাছ থেকে উদ্ধার করে ভূমিহীনদের মধ্যে বন্টন করা হয়েছিল। বন্টিত এই জমিকে আইনসম্মত করার জন্য এরপর প্রণয়ন করা হয় পশ্চিমবঙ্গ ভূমিসংস্কার (সংশোধনী) আইন, ১৯৭১। এই আইনে বলা হয় —


(ক) কৃষি ও বাস্তুজমি একত্র করে জমির উর্ধ্বসীমা নির্ধারণ করা হবে। অকৃষি জমি সিলিং আওতার বাইরে থাকবে।

(খ) সিলিং হবে পরিবারভিত্তিক। পরিবার যত বড় হবে, তত বেশি জমি রাখা যাবে। তবে এই জমির পরিমাণ কোনমতেই ৭ হেক্টরের বেশি (১ হেক্টর = ২.৪৭১ একর) হওয়া চলবে না।

(গ) সেচযুক্ত এলাকা থেকে অসেচ এলাকায় জমির সিলিং হবে ৪০ শতাংশ বেশি।

এই আইন পাশ করার পর আরও বেশ কিছু কৃষিজমি বিলিবন্টনের জন্য সরকারের হাতে ন্যস্ত হয়েছিল।

এরপর পশ্চিমবঙ্গ ভূমিসংস্কার আইনের আর



দুয়ের পাতায় দেখুন

অবিলম্বে বাসের ভাড়া কমাতে হবে

— প্রভাস ঘোষ

এস ইউ সি আই পশ্চিমবঙ্গ রাজ্য সম্পাদক কমরেড প্রভাস ঘোষ ১৫ ফেব্রুয়ারি এক বিবৃতিতে বলেন — অল্প কিছুদিন আগে পেট্রোল-ডিজেলের লিটার পিছু ১ টাকা মূল্য হ্রাস সত্ত্বেও পশ্চিমবঙ্গে বাস-ট্যাক্সি-লক্ষের ভাড়া কমানো হয়নি। তেলের দাম সামান্য বাড়লেই এ রাজ্যে কোন হিসাব ছাড়াই প্রচুর ভাড়া বাড়ানো হয়। এ অবস্থায় ১৫ ফেব্রুয়ারি থেকে পেট্রোল ও ডিজেলের দাম লিটার পিছু যথাক্রমে ২ টাকা ও ১ টাকা কমানোর ফলে অবিলম্বে বাস, মিনিবাস, ট্যাক্সি ও লক্ষের ভাড়া কমানোর জন্য আমরা দাবি জানাচ্ছি। বাস, মিনিবাস, ও লক্ষের ভাড়া ২ টাকা করে এবং ট্যাক্সির ভাড়া ২৫ শতাংশ কমাতে হবে।

চটকল মালিকরা এই ঔদ্ধত্য দেখাচ্ছে কীসের জোরে

রাজ্যের আড়াই লক্ষ চটকল শ্রমিকের ধর্মঘট ৫০ দিন হতে চলল, অথচ শ্রমিকদের আইনসম্মত দাবিদায়ের সুরাহা করতে কেন্দ্র ও রাজ্য সরকার কোনও সদর্থক ভূমিকাই নিচ্ছে না। শ্রমিকদের মধ্যে প্রশ্ন উঠছে, মালিকরা আইনের মাথায় পদাঘাত করে যাবে, অথচ সরকার তার বিরুদ্ধে আইনানুগ ব্যবস্থাটিও নেবে না, মালিকরা শ্রমিকদের পিএফ-ইএসআই-গ্র্যাচুইটির টাকা মেরে দেবে, আর সরকার তার পৃষ্ঠপোষকতা করেই যাবে, তাহলে এই সরকারকে শ্রমিকের কী প্রয়োজন ? সরকারের প্রশ্ন না পেলে মালিকরা এই ঔদ্ধত্য দেখাতে পারত কি ? প্রশ্ন উঠছে জেলাশাসকের ভূমিকা নিয়েও। গ্র্যাচুইটির টাকা আদায় করার দায়িত্ব তার। কিন্তু জেলাশাসকরা মালিকদের জন্য কৃষিজমি দখল করতে যত তৎপর, শ্রমিকদের ইএসআই আদায়ে ততটাই উদাসীন। সরকারের এই নিষ্ক্রিয়তার প্রতিবাদ জানিয়ে ধর্মঘট

শ্রমিকদের ২০টি সংগঠন যৌথভাবে প্রধানমন্ত্রী ও রাজ্যের মুখ্যমন্ত্রীকে অতি দ্রুত হস্তক্ষেপ করার দাবি জানানোর সিদ্ধান্ত নিয়েছে।

এই ধর্মঘটের সঙ্গে শুধু আড়াই লক্ষ শ্রমিকই নয়, ৪০ লক্ষ পাটচাষীর স্বার্থ জড়িত। সুতরাং সরকার ধৃতরাষ্ট্র হয়ে বসে থাকতে পারে না। ১৪ ফেব্রুয়ারি দিল্লিতে অনুষ্ঠিত ত্রিপাক্ষিক বৈঠকে কেন্দ্রীয় শ্রমমন্ত্রী ও কেন্দ্রীয় শ্রম কমিশনার শ্রমিক শোষণের ভয়াবহ বিবরণ শুনে স্বীকার করে নেন যে, চটকল মালিকরা শ্রমআইন মানছে না, ত্রিপাক্ষিক চুক্তিও মানছে না। এজন্য আইন মোতাবেক ব্যবস্থা করবেন বলে তাঁরা প্রতিনিধিদের জানিয়েছেন। রাজ্যের শ্রমমন্ত্রীর কাছে চটকল মালিকপক্ষ যে ১৫০ পরসেন্ট ডিএ দিতে রাজি হয়েছিল, তার থেকে কিছুটা বাড়িয়ে কোনও মীমাংসাসূত্র বের করা যায় কি না, তা ভেবে দেখার জন্য কেন্দ্রীয় শ্রমমন্ত্রী ও শ্রম কমিশনার দিল্লির

বৈঠকে শ্রমিক প্রতিনিধিদের কাছে আবেদন জানান। ইউ টি ইউ সি-লেনিন সরণীর রাজ্য সম্পাদক দিলীপ ভট্টাচার্য এ বিষয়ে বলেন, আইনঅনুযায়ী ন্যায্য পাওনা থেকে বঞ্চিত করে কোন মীমাংসা হতে পারে না। কারণ মালিকরা কার্যত ওয়েজ-ফ্রিজ করতে চাইছে। বৈঠকে সিটুর পক্ষে মহম্মদ আমিন, এ আই টি ইউ সি-র পক্ষে গুরুদাস দাশগুপ্ত, আই এন টি ইউ সি-র পক্ষে গণেশ সরকার, বি এম এস-এর পক্ষে বেজনাথ রায় সহ অন্যান্য নেতৃত্বপূর্ণ উপস্থিত ছিলেন।

বৈঠকে মালিকপক্ষ যথারীতি আর্থিক অসচ্ছলতার বাহানা তোলে। মালিকদের এই বক্তব্যের তীব্র বিরুদ্ধতা করে কমরেড দিলীপ ভট্টাচার্য বলেন, মালিকদের আর্থিক অবস্থা যদি খারাপই হবে, তাহলে গত কয়েক বছরে তারা পশ্চিমবঙ্গে নতুন নতুন জুট মিল খুলছে কী করে ?

সাতের পাতায় দেখুন



ইতিপূর্বে মহামিছিলের দিন ১৫ ফেব্রুয়ারি ছিল, কিন্তু রাজ্যব্যাপী প্রবল প্রাকৃতিক দুর্ভোগের জন্য তা পিছিয়ে ৯ মার্চ করা হয়েছে

দেশি-বিদেশি পুঁজির স্বার্থে সিপিএমকে কাজ করতে দেখে মার্কসবাদকে ভুল বুঝবেন না মেদিনীপুরের জনসভায় কমরেড প্রভাস ঘোষ

[কৃষিজমি দখল প্রতিরোধে রাজ্যব্যাপী প্রবল গণআন্দোলনের পটভূমিতে, এস ইউ সি আই-এর রাজনৈতিক দৃষ্টিভঙ্গি, আন্দোলনের ইস্যুগুলি সম্পর্কে বিশ্লেষণ, আন্দোলন পরিচালনার পদ্ধতি প্রভৃতি বিষয়গুলি রাজ্যের জনগণের সামনে পরিষ্কারভাবে রাখার জন্য পশ্চিমবঙ্গ রাজ্য কমিটি সকল জেলায় কেন্দ্রীয় জনসভা করার সিদ্ধান্ত নেয়। ইতিমধ্যে সকল জেলাতেই সভা হয়েছে, রাজ্য নেতারা সেইসব সভায় বলেছেন, তার সংবাদও গণদাবীতে প্রকাশিত হয়েছে। এর মধ্যে দক্ষিণ ২৪ পরগণা, পূর্বলিয়া, বীকুড়া, পূর্ব ও পশ্চিম মেদিনীপুর এবং কলকাতার বেহালার জনসভায় বক্তব্য রাখেন কেন্দ্রীয় কমিটির সদস্য, পশ্চিমবঙ্গ রাজ্য কমিটির সম্পাদক কমরেড প্রভাস ঘোষ। এখানে মেদিনীপুরের জনসভায় তাঁর ভাষণ প্রকাশ করা হল — সম্পাদক, গণদাবী]

জনসাধারণের জীবনযাত্রার মান উন্নত করতে পারে না। কারণ এ যুগের পুঁজিবাদ হচ্ছে ক্ষয়িষ্ণু, অবক্ষয়ী পুঁজিবাদ। এ যুগে বরং অবাধ শিল্পায়নের পথে সে বাধা হয়ে দাঁড়িয়েছে। এ যুগে সবহারা বিপ্লবের দ্বারা পুঁজিবাদ-সাম্রাজ্যবাদকে না ভাঙতে পারলে শিল্পায়ন আর সম্ভব নয়। সিপিএম নিজেদের মার্কসবাদী বলে, অথচ সাম্রাজ্যবাদের যুগে দাঁড়িয়ে তারা বলছে, শিল্পায়ন করবে। কার ব্যাখ্যা মার্কসবাদ সম্মত — লেনিনের, না সিপিএমের?

বিশ্বের দিকে তাকিয়ে দেখুন। সবচেয়ে শিল্পোন্নত দেশ মার্কিন যুক্তরাষ্ট্র, যাকে বলা হয় বিশ্বের অর্থনীতির লোকোমোটিভ, ইঞ্জিন। সেই আমেরিকার বুর্জোয়া অর্থনীতিবিদরা পর্যন্ত বলছেন,

প্রায় ১ কোটি নথিভুক্ত বেকার চাকরির জন্য হনো হয়ে যুগে বেড়াচ্ছে। একটা নতুন শব্দ এসেছে সিক ইন্ডাস্ট্রি, মানে শিল্পেরও কটন রোগ হচ্ছে, কারখানা বন্ধ হয়ে যাচ্ছে। এই হচ্ছে বাস্তব চিত্র। ভারতবর্ষে লক্ষ লক্ষ কলকারখানা বন্ধ। প্রায় পৌনে পাঁচ কোটি শ্রমিক ছাঁটাই হয়েছে গেছে। এই সংখ্যা ক্রমশই বাড়ছে। এটা কি অগ্রগতির লক্ষণ? এটা কি শিল্পায়নের চিত্র? ন্যাশনাল লেবার সার্ভে'র ২০০৩ সালের রিপোর্ট বলছে, ২০০১ সালে পশ্চিমবঙ্গে কাজ পেয়েছে ১৬,০২৯ জন, আর কাজ হারিয়েছে ৯,১২০ জন। ২০০৩ সালে কাজ হারিয়েছে ৬,৪৫,০০০ জন। এই হচ্ছে খোদ সরকারি রিপোর্ট। এই সংখ্যা আরও বাড়ছে। এই রাজ্যের মুখ্যমন্ত্রী,



তমলুকুর সভায় কমরেড প্রভাস ঘোষ

মার্কিন অর্থনীতিতে মন্দা স্থায়ী রূপ নিয়েছে। শুধু আমেরিকা নয়, ইউরোপের অর্থনীতিতে, বা প্রায় সকল পুঁজিবাদী দেশেই এখন মন্দা চলছে। মাঝেমাঝে কিছু কিছু ক্ষেত্রে বিনিয়োগের যে বিপুল বৃদ্ধি দেখা যায় সেটা আসলে বদবৃদ্ধি, অর্থাৎ বাজারে প্রকৃত চাহিদার সাথে এর সম্পর্ক নেই। জুয়া বা ফাটকার মতো লাভের আশায় এখানে বিনিয়োগ হচ্ছে, শেয়ারের দাম বাড়ছে, তারপর একটা সময় ফুলে-ওঠা বাজার ফেটে যাচ্ছে, যেমন বদবৃদ্ধি খানিকটা ফুলে উঠে ফেটে যায়। মার্কিন যুক্তরাষ্ট্রে বিশাল অঞ্চল জুড়ে কলকারখানা আজ বন্ধ। প্রতি মাসে সেখানে পঁয়তাল্লিশ থেকে পঞ্চাশ হাজার শ্রমিক ছাঁটাই হচ্ছে। তিন কোটির মত মানুষ ফুটপাতে থাকে। একই সঙ্কট ইংল্যান্ডে, ফ্রান্সে, জার্মানিতে, জাপানে, সমস্ত জায়গায়। সেইসব দেশে এখন শিল্পায়নের কথা বললে লোক হাসবে। আমাদের দেশের দিকে তাকিয়ে দেখুন। এই রাজ্যে ৫৬ হাজারের ওপর কলকারখানা বন্ধ, ১৭ লক্ষের ওপর শ্রমিক-কর্মচারী ছাঁটাই হয়ে গেছে।

রাজ্যের সরকারি দল সিপিএমের নেতারা আমাদের বোকা মনে করে ভেবেছিলেন, 'শিল্পায়ন' 'শিল্পায়ন' বললেই আমরা বুঝি হাততালি দেব। এটা আমরা পারিনি।

আজকে বিশ্বের প্রায় সব দেশে এবং আমাদের দেশেও পুঁজিবাদী অর্থনীতি, অর্থাৎ বাজার অর্থনীতি কায়েম রয়েছে। পুঁজিবাদ সমাজের কথা এখন শিল্পোন্নত দেশগুলিতে গিয়ে তারা কারখানা কিনছে, বিশেষ বিশেষ পণ্য উৎপাদন ও বাণিজ্যের ক্ষেত্রে বিশ্ববাজারে ভারতীয় পুঁজির আধিপত্য কায়েম করতে চাইছে, বিশ্বের অন্যতম বৃহৎ শক্তি হওয়ার প্রতিযোগিতায় নেমেছে। বিশ্বের বাজারে জয়গা করার জন্যই ভারতের একচেটিয়া পুঁজিপতিরা সাম্রাজ্যবাদী বিশ্বায়নের শরিক হয়েছে। 'খুবই গরিব' যে টাটা কোম্পানিকে সিপিএম সরকারি কোষাগার থেকে জনগণের ১৪০ কোটি টাকা ভর্তুকি দিয়ে সিঙ্গুরে জরিমি আছে, সেই টাটাই ডাচ ইম্পাত কোম্পানি 'কোরাস' কিনে নিল ৫৫ হাজার কোটি টাকা দিয়ে। বিড়লা আমেরিকাতে কিনছে 'নভেলিস' নামের একটা অ্যালুমিনিয়াম কারখানা, দাম দিচ্ছে ২৬ হাজার কোটি টাকা। টাটা-বিড়লা আস্থানি ছাড়াও অন্যান্য একচেটিয়া পুঁজিপতিরাও এখন বিদেশে নানা কারখানা কিনছে। এরা এই বিশাল পরিমাণ পুঁজির মালিক হয়েছে আমাদের দেশের জনগণকে শোষণ করে, পথের ভিখারি বানিয়ে।

প্রসঙ্গত উল্লেখ করতে চাই, '৬০ এর দশকে যারা সিপিএমে যুক্ত হয়েছিলেন, তাঁদের নিশ্চয় স্মরণ আছে, সেসময় সিপিএমে নেতৃত্ব জনগণতান্ত্রিক বিপ্লবের যে তত্ত্ব নিয়ে বাজার গরম চারের পাভায় দেখুন

বাড়ছে, তার সঙ্গে সামঞ্জস্য রেখে লাগাতার শিল্প হচ্ছে। এটা আজকের দিনে পুঁজিবাদী ব্যবস্থায় সম্পূর্ণ অবাস্তব।

বাজার সঙ্কটের সম্মুখীন হয়ে, বাজারের ভাগবীটোয়ারা নিয়ে ইতিপূর্বে দু'দুটি সাম্রাজ্যবাদী যুদ্ধ হয়ে গেছে। লক্ষ লক্ষ মানুষের প্রাণহানি হয়েছে। গ্রাম-শহর-সমাজ-সংস্কৃতি ধ্বংস হয়েছে। এখনও ইরাকে ধ্বংসের তাণ্ডবলীলা চলছে। সর্বোচ্চ মুনাফার স্বার্থে পরিচালিত পুঁজিবাদের কাছে মানুষের জীবনের মূল্য, সমাজ-সভ্যতার মূল্য কানাকড়িও নেই। এই দেখুন, বেশ কিছুদিন ধরে বৈজ্ঞানিকরা গ্লোবাল ওয়ার্মিং নিয়ে সতর্কবার্তা দিয়ে যাচ্ছেন। বারবার তারা বলছেন, কার্বন-ডাই-অক্সাইড সহ অন্যান্য গ্রীনহাউস গ্যাস সৃষ্টি করে পুঁজিপতির মানবজাতির অস্তিত্বকে বিপন্ন করছে। কিন্তু সাম্রাজ্যবাদীরা কর্ণপাত করছে না। অতি সম্প্রতি বিশ্বের বৈজ্ঞানিকদের সম্মেলন আবারও গভীর উদ্বেগে বলে গেল, এই গ্রীনহাউস গ্যাস নিয়ন্ত্রণ করতে না পারলে ভয়ঙ্কর বিপর্যয় হবে। বলছে, ইতিমধ্যেই মেরু অঞ্চলের হিমহাবই বা গ্লেশিয়ার গলে গিয়ে সমুদ্রের জলের উচ্চতা বাড়ছে। ফলে সুন্দরবন সহ বিশ্বের বেশ কিছু এলাকা ডুবে যাবে; বিশ্বে বন্যা, খরা, সাইক্লোন, সুনামি, ভূমিকম্প, মরুভূমি, মারণ ব্যাধি ভয়ঙ্কর বিপদ সৃষ্টি করবে। তা সত্ত্বেও এজন্য সবচেয়ে বেশি যে দায়ী সেই গ্যাস সাম্রাজ্যবাদীরা বলছে, তারা গ্রীনহাউস গ্যাস নিয়ন্ত্রণ করবে না, কারণ তাতে তাদের শিল্পের সঙ্কট, অর্থাৎ মুনাফার সঙ্কট হবে। এই হচ্ছে পুঁজিবাদ-সাম্রাজ্যবাদের মানবসভ্যতা ধ্বংসকারী ভয়ঙ্কর রূপ।

ভারতবর্ষের পুঁজিবাদী ব্যবস্থার চরিত্র ও বৈশিষ্ট্য ব্যাখ্যা করে বহুদল আগেই আমাদের দলের প্রতিষ্ঠাতা, এ যুগের অগ্রগণ্য মার্কসবাদী চিন্তানায়ক কমরেড শিবদাস ঘোষ দেখিয়েছিলেন যে, ভারতবর্ষের পুঁজিবাদ একচেটিয়া পুঁজি ও লম্বিপুঁজির জন্ম দিয়ে ইতিমধ্যেই সাম্রাজ্যবাদী স্তরে পৌঁছেছে। সিপিএম, সিপিআই তাদের জনগণতান্ত্রিক বা জাতীয় গণতান্ত্রিক বিপ্লবের লাইন অনুযায়ী যখন জাতীয় পুঁজিপতিশ্রেণীকে তাদের 'বিপ্লবের মিত্র' হিসাবে গণ্য করছে, জাতীয় বুর্জোয়াদের 'প্রগতিশীল' বলছে, তখন কমরেড শিবদাস ঘোষ দেখিয়েছেন, ভারতীয় পুঁজিবাদ সাম্রাজ্যবাদী বৈশিষ্ট্য অর্জন করার মধ্য দিয়ে চরম প্রতিক্রিয়াশীল পুঁজিবাদে পরিণত হয়েছে। আমরা জানি, ভারতের একচেটি পুঁজিপতিরা অনেকদিন ধরেই অনুন্নত দেশগুলিতে লম্বিপুঁজি বিনিয়োগ করছিল। আর এখন শিল্পোন্নত দেশগুলিতে গিয়ে তারা কারখানা কিনছে, বিশেষ বিশেষ পণ্য উৎপাদন ও বাণিজ্যের ক্ষেত্রে বিশ্ববাজারে ভারতীয় পুঁজির আধিপত্য কায়েম করতে চাইছে, বিশ্বের অন্যতম বৃহৎ শক্তি হওয়ার প্রতিযোগিতায় নেমেছে। বিশ্বের বাজারে জয়গা করার জন্যই ভারতের একচেটিয়া পুঁজিপতিরা সাম্রাজ্যবাদী বিশ্বায়নের শরিক হয়েছে। 'খুবই গরিব' যে টাটা কোম্পানিকে সিপিএম সরকারি কোষাগার থেকে জনগণের ১৪০ কোটি টাকা ভর্তুকি দিয়ে সিঙ্গুরে জরিমি আছে, সেই টাটাই ডাচ ইম্পাত কোম্পানি 'কোরাস' কিনে নিল ৫৫ হাজার কোটি টাকা দিয়ে। বিড়লা আমেরিকাতে কিনছে 'নভেলিস' নামের একটা অ্যালুমিনিয়াম কারখানা, দাম দিচ্ছে ২৬ হাজার কোটি টাকা। টাটা-বিড়লা আস্থানি ছাড়াও অন্যান্য একচেটিয়া পুঁজিপতিরাও এখন বিদেশে নানা কারখানা কিনছে। এরা এই বিশাল পরিমাণ পুঁজির মালিক হয়েছে আমাদের দেশের জনগণকে শোষণ করে, পথের ভিখারি বানিয়ে।

প্রসঙ্গত উল্লেখ করতে চাই, '৬০ এর দশকে যারা সিপিএমে যুক্ত হয়েছিলেন, তাঁদের নিশ্চয় স্মরণ আছে, সেসময় সিপিএমে নেতৃত্ব জনগণতান্ত্রিক বিপ্লবের যে তত্ত্ব নিয়ে বাজার গরম চারের পাভায় দেখুন

মূল আক্রমণটা হানছে পুঁজিবাদ-সাম্রাজ্যবাদ

তিনের পাতার পর করেছিলেন, সেই তত্ত্ব অনুযায়ী তাঁদের বিপ্লবের সামনে মূল শত্রু হচ্ছে বিদেশি সাম্রাজ্যবাদ, দেশিয় একচেটিয়া পুঁজি ও সামন্ততন্ত্র; আর তাঁদের মিত্র বা বিপ্লবী শক্তি হচ্ছে, শ্রমিক-কৃষক ও জাতীয় বুজোয়াশ্রেণী। এখন দেখা যাচ্ছে, এই বিদেশি সাম্রাজ্যবাদ ও দেশিয় একচেটিয়া পুঁজির সাথেই সিপিএম কৃষক, শ্রমিক ও জনগণের বিরুদ্ধে আক্রমণ চালাচ্ছে। অর্থাৎ বাস্তবে তাদের মিত্র দাঁড়িয়েছে, সাম্রাজ্যবাদ ও একচেটিয়া পুঁজি, আর শত্রু হচ্ছে কৃষক-শ্রমিক ও সাধারণ মানুষ। কমরেড শিবদাস ঘোষ সেদিন দেখিয়েছিলেন, ভারতবর্ষে জাতীয় পুঁজিবাদের বিরুদ্ধে শ্রমিকশ্রেণী, খেতমজুর, গরিব কৃষক ও মধ্যবিত্তকে নিয়ে শ্রমিকশ্রেণীর নেতৃত্বে সমাজতান্ত্রিক বিপ্লব সংগঠিত করতে হবে। সিপিএম নেতৃত্বের জনগণতান্ত্রিক বিপ্লবের স্লোগানের আসল চরিত্র উন্মোচন করে তিনি এও দেখান যে, জনগণতান্ত্রিক বিপ্লবের তত্ত্বের পরিণামে সিপিএম আসলে বিপ্লবের বুলি আওড়াতে আওড়াতেই ভারতের জাতীয় বুজোয়াশ্রেণীর সাথে বোঝাপড়া করে গাদিসর্বধ রাজনীতির দিকে যাচ্ছে। আজ সেটাই বাস্তবে নাজানবে দেখা যাচ্ছে।

ওরা বলছে, উন্নয়ন করছে। কী সেই উন্নয়ন? আমাদের দেশ শ্রেণীবিভক্ত। একদিকে শ্রমিক-খেতমজুর-গরিব চাষী-মধ্যবিত্ত জনগণ; আরেকদিকে আছে পুঁজিপতিশ্রেণী ও ধনীসম্প্রদায়। তারা কার উন্নয়নের কথা বলছে? যদি তারা বলে পুঁজিপতিদের উন্নয়ন, তাহলে তাদের কথা ঠিক। খবরের কাগজ খুলুন। কোন্ কোম্পানি কত শতাংশ মুনাফা বাড়িয়েছে, প্রতিদিনই এ খবর পাবেন আপনারা। এদের উন্নয়ন হচ্ছে। আর অন্যদিকে তাকিয়ে দেখুন, জনগণের অবস্থা কী? আমাদের কথা নয়, জাতীয় নমুনা সমীক্ষার তথ্য বলছি। ২০০৪-০৫ সালের সময়কালে দেশে মানুষের ব্যয়ের মাত্রা ও ধরনের উপর সমীক্ষা করে তারা দেখিয়েছে যে, ভারতের গ্রামীণ জনগণের ৩০ শতাংশের জীবনধারণের জন্য দৈনিক ১২ টাকা বেশি খরচ করার সামর্থ্য নেই। শহরের ক্ষেত্রে এটা দৈনিক ১৯ টাকা। এ টাকায় একটা সংসার চলে? চলতে পারে? অন্যদিকে জিনিষপত্রের দাম তো এবেলা-ওবেলা বাড়ছে। কীভাবে সংসার চলবে? এমনকী যাদের রোজগার দৈনিক ৪০/৫০ টাকা, তাদেরও কি সংসার চলে!

গোটা দেশের চিত্র কী? দেশে আজ কোটি কোটি বেকার ও কর্মচ্যুত শ্রমিক-কর্মচারী বেড়েই চলেছে। লক্ষ লক্ষ কৃষক ঋণের দায়ে আত্মহত্যা করছে। উত্তর ভারতে প্রবল শীতে কত গরিব মানুষ মারা যাচ্ছে, এক খণ্ড শীতবস্ত্র কিনতে পারেনি। এই হচ্ছে দেশের চেহারা। গ্রামাঞ্চল থেকে হাজার হাজার মানুষ প্রতিদিন শহরে ছুটছে, অন্য রাজ্যে ছুটছে। গ্রামে কোনও কাজ নেই। কোথায যাচ্ছে জানে না, শুধু এইটুকু জানে, গ্রামে থাকার উপায় নেই। অনেকে সপরিবারে চলে যাচ্ছে। লক্ষ লক্ষ লোক স্টেশনে, প্রাচ্যস্টপে, ফুটপাথে থাকে, ঝুপড়ি করে থাকে। লক্ষ লক্ষ ঘরের মেয়ে বিক্রি হয়ে যাচ্ছে। এই পশ্চিমবাংলা থেকে সবচেয়ে বেশি মেয়ে বিক্রি হচ্ছে। আট-ন’ বছরের মেয়েরা পর্যন্ত পাচার হয়ে যাচ্ছে, কিনছে পশুরা। ভারতবর্ষে নারীপাচারে পশ্চিমবঙ্গ এখন শীর্ষস্থানে। সিপিএম সরকার এ ব্যাপারে কৃতিত্ব দাবি করতে পারে। সিপিএম বলছে, কংগ্রেস বলছে, বিজেপি যখন সরকারে ছিল সেও বলেছে, উন্নয়ন হচ্ছে। এই তো উন্নয়নের চেহারা! উত্তরপ্রদেশের নয়ডায় শিশুদের কঙ্কাল বেগোল, তাদের মায়েরা ওখানে গিয়েছিল বাড়ি বাড়ি কাজ করতে। এই পশ্চিমবাংলার মায়েরাও ছিল। তাদের শিশুদের কঙ্কাল পাওয়া গেল। এ তো ভয়ঙ্কর চিত্র! এর নাম উন্নয়ন? এই

উন্নয়নকে আমরা সমর্থন করতে পারি না বলে আমাদের প্রতি শাসক দলগুলো ক্ষিপ্ত! আসলে ওরা শিল্পায়নের নামে যে লক্ষ লক্ষ একর জমি নিচ্ছে, এর উদ্দেশ্য হচ্ছে মূলত উপনগরী তৈরি করা। নতুন নতুন শহর করবে, প্রোমোটোরি ব্যবসা করবে, লোকদেখানো ২/৪টা শিল্পও করবে। আমেরিকা প্রথম এ রাস্তা দেখিয়েছে। আমেরিকায় যখন শিল্পে সঙ্কট, পুঁজিপতির যখন কারখানায় পুঁজি নিয়োগ করতে পারছে না, বাড়তি পুঁজি অলস হয়ে যাচ্ছে, তখন সেখানকার শিল্পপতির আবেদন ব্যবসায় (রিয়লে এস্টেট) নামল — বাড়ি তৈরি কর, বিক্রি কর। ক্রেতাদের টাকা জোগাল ব্যাঙ্ক। ব্যাঙ্কের হাতেও এখন প্রচুর টাকা, কারণ শিল্পে বিনিয়োগ হচ্ছে না। দেদার বাড়ি বিক্রি হয়ে গেল। কারণ, আমেরিকাতেও সাধারণ মানুষের বাসস্থানের সমস্যা প্রবল। কিন্তু ধারের টাকা ব্যাঙ্ক ফেরত চাইতেই সমস্যা দেখা দিল। বাড়ির মালিকদের অত টাকা নেই, আবার ব্যাঙ্কে বন্ধক রাখা বাড়ি বিক্রি করাও সমস্যা, খন্দেরও নেই। এই ঘটনার ফলে আমেরিকার জিডিপি, অর্থাৎ ডলার মূল্যে বার্ষিক মোট উৎপাদন পড়ে গেল। গত বছর জানুয়ারি-ফেব্রুয়ারিতে আমেরিকার জিডিপি বেড়েছিল ৬.৫ শতাংশ, আর আট মাস পর নভেম্বর-ডিসেম্বরে জিডিপি নেমে এল ১.৫ শতাংশে। আবাসন ব্যবসার বৃদ্ধি ফেটে গেছে।



২৭ জানুয়ারি পুরুলিয়া শহরে জনসভায় বক্তব্য রাখছেন কমরেড প্রভাস ঘোষ

সেই প্রমোটোরি, হাউজিং বিজনেস বা রিয়েল এস্টেটের ব্যবসা করার জন্যই শিল্পপতিদের এ রাজ্যে জমি চাই। বাঁকুড়া, পুরুলিয়া বা পশ্চিম মেদিনীপুরে নয়, উপনগরী করতে হলে, বাড়ির ব্যবসা করতে হলে কলকাতার আশেপাশে জমি দরকার। কলকাতার আশেপাশে উত্তর চব্বিশ পরগণা, দক্ষিণ চব্বিশ পরগণা, পূর্ব মেদিনীপুর, হাওড়া, হুগলি ও গুলি উর্বর কৃষি এলাকা। এই কৃষিজমিতে ওরা হাত দিয়েছে। এখানে ওরা হংকং-সিন্দাপুরের মতো শহর বানাতে চাইছে, যেখানে বিরাট বিরাট ফ্লাইওভার, রাস্তা হবে, অতি অল্পসময়ে ধনীরা বিমানবন্দরে যেতে পারবে। রায়চক থেকে একেবারে তিব্বত সীমান্ত পর্যন্ত আট লেনের রাস্তা হবে। বিদেশি সব ব্যবসায়ীরা, তাদের আমলারা, ম্যানেজাররা এখান দিয়ে যাতায়াত করবে। তাদের জন্য এসব রাস্তা দরকার। তারা মাঝে মাঝে এখানে থাকবে। এই সমস্ত ব্যবসায়ীরা, বাড়লোকরা, এরকম প্রত্যেক শহরে একাধিক বাড়ি রাখে। এখানে দু’দিন, ওখানে পাঁচদিন থাকে। এই উপনগরীতে থাকবে দামী দামী হোটেল, মনোরম পার্ক, শপিং মল, রিসর্ট, নাইট ক্লাব, সুইমিং পুল, গল্ফ খেলার মাঠ, দামী মদের বার, নিয়মিত নারী সাল্লাই, ভোগবিলাসের আরও নানা ব্যবস্থা। এই হচ্ছে তাদের পরিকল্পনা।

এস ই জেড বলে যেটা নন্দীগ্রামে করতে

যাচ্ছিল, সেটাও একটা ভয়ঙ্কর স্কীম। বিশাল এলাকার কৃষকদের জমি-ঘর কেড়ে নেওয়া হবে, কৃষিজমি-স্কুল ধ্বংস করা হবে। হাজার হাজার কৃষক পরিবার পথের ভিখারি হয়ে যাবে। আবার এই এস ই জেডে যারা ব্যবসা করতে আসবে, তাদের কোন ট্যাক্স দিতে হবে না, এরা হবে সবরকম ট্যাক্সমুক্ত। রাজা সরকার এদের বিনামূল্যে বিদ্যুৎ দেবে, জল দেবে। আশ্বানি, টাটা, সালেম যারা মিনিটে মিনিটে কোটি কোটি টাকা মুনাফা করে, তাদের জন্য এই ব্যবস্থা। একদিকে ক্রমবর্ধমান ঋণের বোঝা নিয়ে বাজেট ঘাটতির কথা বলে কেন্দ্র ও রাজা সরকার শিক্ষা-স্বাস্থ্য সহ সব কল্যাণমূলক খাতে বাজেট কমাচ্ছে, অন্যদিকে দেশি-বিদেশি পুঁজিপতিদের দু-হাতে ট্যাক্স ছাড় দিচ্ছে, যার ফলে আরও ঘাটতি বাড়ছে।

অন্যদিকে এস ই জেডের মধ্যে যারা কারখানা বা ব্যবসাকেন্দ্র করবে, তারা শ্রমিক-কর্মচারীদের ইচ্ছামতো মজুরি দিতে পারবে, যত ঘণ্টা খুশি কাজ করতে পারবে, যখন তখন ছুটি দিতে পারবে। শ্রমিকরা তাদের সমস্যা নিয়ে কোথাও অভিযোগ জানাতে পারবে না, দেশের শ্রমআইন এখানে প্রয়োগ হবে না। এই হচ্ছে আইনি বন্দোবস্ত। যেজন্য আমরা বলছি, বিশেষ অর্থনৈতিক অঞ্চল হচ্ছে বিশেষ কসাইখানা, যেখানে দেশের কৃষক ও শ্রমিকদের জবাই করা হবে। দেশের আইন এখানে প্রযোজ্য হবে না। যে কারণে বলা হচ্ছে, দেশের

কে গদিতে বসবে। ইলেকশনে এরাই কোটি কোটি টাকা চালে। সংবাদপত্রগুলো কে কন্ট্রোল করে? মালিকরাই করে। টিভি চ্যানেলগুলো মালিকরাই কন্ট্রোল করে। ইলেকশনে সংবাদপত্র-টিভি এইসব দলগুলির পক্ষে কাজ করে। বহুদিন আগে শরৎচন্দ্র বলেছিলেন — এখান রাজা নেই, আছে রাজশক্তি, তাও জনাকয়ক ব্যবসাদারের হাতে। বণিকবৃত্তিই এখন মুখ্যত রাজনীতি। পুঁজিপতিদের শোষণের জন্যই শাসন। শরৎচন্দ্র মার্কসবাদী ছিলেন না। কিন্তু সত্যটা উপলব্ধি করেছিলেন। এখানে গণতন্ত্র, সর্বজনীন ভোট, গভর্নমেন্ট বাই দি পিপল, অফ দি পিপল, ফর দি পিপল — এই সব কথাগুলো শুধু বইয়ের পাতায় আছে। বাস্তবে এখানে হল বাই, ফর ও অফ দি ক্যাপিটালিস্ট। তারাই সব কিছু ঠিক করছে। এ সত্য যতদিন আমরা না বুঝি, বারবার আমার ঠকবে।

একটা রাজনৈতিক দল, একটা নেতৃত্ব, কোন্ শ্রেণীর হয়ে কাজ করছে তা বুঝতে হবে। একথা বারবার আমাদের মহান নেতা কমরেড শিবদাস ঘোষ তুলে ধরেছিলেন। এখানে আমি একটা কথা বলতে চাই। সিপিএম যেহেতু মার্কসবাদের আলখালা পরে বেড়ায়, দলের নামের পাশে 'মার্কসবাদী' লেখা থাকে, এটা দেখে আপনারা যদি ভুল বুঝে মার্কসবাদের বিরুদ্ধতা করেন, তবে সর্বনাশ হবে। আমি স্মরণ করিয়ে দিতে চাই নেতাজী সুভাষচন্দ্র বসুর কথা। এদেশের স্বাধীনতা আন্দোলনে বিপ্লববাদের যে ধারা ক্ষুদীরামকে দিয়ে গুরু হয়েছিল, তারই সার্থক প্রতিনিধি ছিলেন নেতাজী। সশস্ত্র মধ্যবিত্ত বিপ্লববাদের বাণ্ডা তুলে ধরেন তিনি। এই নেতাজীর বিরুদ্ধে সেনসময় টাটা-বিডলার প্রতিনিধি হিসাবে দাঁড়িয়েছিল কংগ্রেসের দক্ষিণপন্থী নেতৃত্ব। এই সুভাষচন্দ্রের বিরুদ্ধে ত্রিপুরী কংগ্রেসে যড়যন্ত্র করে প্রস্তাব গৃহীত হয়েছিল। পরে তাঁকে পদত্যাগ করতে বাধ্য করা হয়, শেষযুক্ত তাঁকে কংগ্রেস থেকে বিহ্বার করা হয়। বহিষ্কৃত হয়ে তিনি রামগড়ে সম্মেলনের মধ্য দিয়ে ভারতবর্ষের বামপন্থীদের একটা ঐক্যবদ্ধ ফ্রন্ট করার উদ্যোগ নিয়েছিলেন। এই প্রত্যেকটি পর্যায়ে তিনি খুব আশা নিয়ে সিপিআই-এর সহযোগিতা চেয়েছিলেন। কিন্তু বারবারই সিপিআই তাকে বিমুখ করেছিল। অথচ বিশ্বসাম্যবাদী আন্দোলনের মহান নেতা কমরেড স্ট্যালিন ১৯২৫ সালে বলেছিলেন, ভারতবর্ষের কমিউনিস্ট বিপ্লবীদের কর্তব্য হবে, আপসকামী বুজোয়া নেতৃত্বের বিরুদ্ধ হিসাবে পেটি-বুজোয়া, অর্থাৎ মধ্যবিত্ত বিপ্লবীদের সাথে সহযোগিতা করা। কিন্তু সিপিআই তা করেনি। সিপিআই-এর এইসব ভূমিকা দেখে নেতাজী সুভাষচন্দ্র দুঃখ করে ব্রিটিশ কমিউনিস্ট পার্টির মুখপাত্রকে বলেছিলেন, ভারতবর্ষে যারা কমিউনিস্ট বলে পরিচিত, তাদের দেখে মনে হয় না তারা দেশপ্রেমিক। তারপরে বললেন, আমি মার্কস-লেনিনের বই পড়েছি, কমিউনিস্ট আন্তর্জাতিকের ডকুমেন্ট পড়েছি। তাতে বুঝেছি, যারা যথার্থ কমিউনিস্ট তারা খাঁটি দেশপ্রেমিক। এই ঘটনাটা এজন্য বললাম যে, সিপিআই-এর এইসব বিশ্বাসঘাতকতা দেখেও নেতাজী কিন্তু কমিউনিজম, মার্কসবাদ এবং সোভিয়েট নেতৃত্বকে ভুল বোঝেননি। তিনি বলেছিলেন, উনবিংশ শতাব্দীতে জার্মানির সর্বশ্রেষ্ঠ অবদান মার্কসবাদ। বিংশ শতাব্দীতে রাশিয়ার সর্বশ্রেষ্ঠ অবদান সোভিয়েট রাষ্ট্র, সর্বহারার সংস্কৃতি। তিনি দুঃখ করে বলেছিলেন, কমিউনিজমের মতো সর্বজনীন আদর্শ ভারতবর্ষে প্রভাব বিস্তার করতে পারল না এইজন্য যে, এদেশে কমিউনিস্ট বলে যারা পরিচিত, তাদের রীতিনীতি, আচার-ব্যবহার, কার্যকলাপ মানুষকে কাজে টানার পরিমর্মে দূরে ঠেলে দেয়। নেতাজী মার্কসবাদী না হয়েও মধ্যবিত্ত জাতীয়তাবাদী বিপ্লবী

পাঠের পাতায় দেখুন

আন্দোলন হবে দাবি আদায়ের জন্য — ভোটে ফয়দা তোলায় জন্য নয়

পাঁচের পাতার পর

দু'দিন প্রতিরোধ সংগ্রাম হয়েছিল, তাতেও জনগণের সঙ্গে আমাদের কর্মীদের ভূমিকাই প্রধান ছিল। তৃণমূল নেতার শূণ্যমাত্র আইনঅমান্য করে, জেলে গিয়েই তাঁদের দায়িত্ব সম্পাদন করতে চেয়েছিলেন। এমনকী দুঃখের সাথে বলতে হচ্ছে, শহীদ রাজকুমার ভুল ও তাপসী মালিকের নৃশংস হত্যাকাণ্ড নিয়েও সিঙ্গুরে এবং গোটা রাজ্যে কার্যকরী আন্দোলন করা গেল না মূলত ওদের নিক্কিরতার জন্য — যদিও আমরা সাধামত করে গেছি। আমরা গোটা রাজ্যে শহীদ রাজকুমার ভুলের ও তাপসী মালিকের স্মরণে ৩ অক্টোবর ও ২৩ ডিসেম্বর শোকদিবস পালন করেছি। তৃণমূল নেতৃত্ব কোনও উদ্যোগ নেয়নি। ২ ডিসেম্বর পুলিশ সিঙ্গুরে নৃশংস অত্যাচার চালান, বাড়ি বাড়ি ঢুকে মারল, আগুন জ্বালান, তার বিরুদ্ধে পশ্চিমবাংলায় আমরা এককভাবে ৫ই ডিসেম্বর ২৪ ঘণ্টা বন্ধ ডেকেছিলাম। এইভাবে সিঙ্গুরের বৃক্ক প্রতিরোধ সংগ্রাম চালিয়ে যাওয়া এবং তার সমর্থনে গোটা রাজ্যে বন্ধ ও সমস্ত জেলায় এসপি অফিস অবরোধের কর্মসূচি যখন আমরা পুলিশি আক্রমণের মুখে দাঁড়িয়ে করছি, তখনই আচমকা তৃণমূল নেত্রী অনশন শুরু করলেন। যে লড়াই সিঙ্গুরের মাটিতে হওয়া দরকার ছিল, যে লড়াইকে গোটা রাজ্যে জেলায় জেলায় প্রসারিত করার দরকার ছিল, সেটাকে কলকাতায় এক ব্যক্তির অনশন মধ্যে সীমাবদ্ধ করা হল। একথা ঠিক, অনশন করতে গিয়ে তিনি শারীরিক কষ্ট ভোগ করেছেন, অসুস্থ হয়েছেন, সংবাদমাধ্যমে তাঁর প্রচারও হয়েছে, কিন্তু ফল কী হল? গোটা রাজ্যের দৃষ্টি চলে গেল সিঙ্গুরে আন্দোলনের পরিবর্তে অনশন মঞ্চের দিকে — যেন অন্য কোন আন্দোলনের দরকার নেই, অনশনই সব ঠিক করে দেবে। কয়দিন অনশন চলবে, কীভাবে অনশনের সমাপ্তি ঘটবে, রাজ্যপাল থেকে শুরু করে কোন কোন নেতা-মন্ত্রী অনশন মঞ্চে এলেন, এ নিয়েই জল্পনা-কল্পনা চলল, আর আন্দোলন পিছনে চলে গেল। তারপর কেন্দ্র ও রাজ্য সরকারের পরামর্শের ভিত্তিতে মুখ্যমন্ত্রী সবকিছু নিয়ে আলোচনা করলেন, এই প্রতিশ্রুতি দেওয়ায় অনশন ভঙ্গ হল। সিঙ্গুরের জমি দখলও করবেন এবং সবকিছু নিয়ে আলোচনাও করবেন, একথা তো মুখ্যমন্ত্রী আগেও বলেছিলেন। তৃণমূল নেত্রী নতুন কী পেলেন? আর এখন তৃণমূল নেত্রী বলছেন, মুখ্যমন্ত্রী বিশ্বাসঘাতকতা করেছেন। মুখ্যমন্ত্রীর ফাঁকা কথায় বিশ্বাস করতে তাঁকে কে বলেছিল? কিন্তু নন্দীগ্রাম এ ভুল করেনি। নন্দীগ্রাম আন্দোলনে তৃণমূল নেতৃত্বের প্রাধান্য ছিল না। আমাদের দলই প্রথমে আন্দোলনের উদ্যোগ নিয়েছিল এবং সিপিআই-সিপিএম-তৃণমূল ও কংগ্রেসের এবং কোন দল করে না এমন লোকজন — সকলকে নিয়েই পাবলিক কমিটি গড়ে তোলা হয়েছিল। এই কমিটির আহ্বানে নন্দীগ্রামের জনগণ সাড়া দিয়েছে। আমাদের কর্মীরা পাড়ায়-পাড়ায় গণকমিটি, ভলাটিয়ার বাহিনী গড়ে তুলেছে। নন্দীগ্রামের যে এলাকায় প্রতিরোধ সংগ্রাম হয়েছে সেটা মূলত সিপিএমের ঘাঁটি ছিল। সেখানকার জনগণই বীরের মত মাথা তুলে দাঁড়িয়ে প্রতিরোধ সংগ্রাম করে সরকারকে সাময়িকভাবে হলেও পিছু হঠতে বাধ্য করেছে। মুখ্যমন্ত্রীর বক্তব্যে নেতৃত্ব, নৈশিষ্কারি করে ভুল করেছি। স্বদেশী আন্দোলনের যুগ থেকেই নন্দীগ্রামের সংগ্রামী ঐতিহ্য আছে। এখানে তেভাগা আন্দোলন হয়েছে। ৮০'র দশকে এখানে নন্দীগ্রাম উন্নয়নের দাবিতে আন্দোলন হয়েছে। সিঙ্গুরের লড়াই নন্দীগ্রামকে অনুপ্রাণিত করেছে। কিন্তু নন্দীগ্রাম যা পারল, এখনও পর্যন্ত সিঙ্গুর তা পারেনি। নন্দীগ্রামের জনগণের সংগ্রামী দৃঢ়তা, তাদের প্রতি পশ্চিমবাংলার ও ভারতবর্ষের

জনগণের প্রবল সমর্থনের ফলে সিপিএম এখনও পর্যন্ত পুলিশ ও সশস্ত্র ক্রিমিনাল বাহিনী নিয়ে সেখানে বাপিয়ে পড়তে পারেনি, তারা সুযোগ খুঁজছে। তৃণমূল সিঙ্গুরে ব্যর্থ হয়ে নন্দীগ্রামে ভোটের জমি তৈরির জন্য সিপিএমের সঙ্গে সংঘর্ষ বাধাচ্ছে, যেটা সিপিএমকে সুযোগ করে দিচ্ছে আবার আক্রমণের। এর ফলে নন্দীগ্রামে অর্জিত জয় বিপন্ন হচ্ছে। আন্দোলনের চাপে তৃণমূল পাবলিক কমিটিতে এলেও এই কমিটির মতামতের তোয়াক্কা না করেই তারা নিজেদের দলীয় সংকীর্ণ স্বার্থে যা মনে করছে তাই করছে। এ প্রসঙ্গে একটি গুরুত্বপূর্ণ কথা বলতে চাই। তাহল, কোন গণআন্দোলন ঠিকমত চালাতে হলে, জিততে হলে, সঠিক সংগ্রামী রাজনীতি তো চাই-ই, তার সাথে সঠিক কর্মসূচি ও রণকৌশলও চাই। যার বিরুদ্ধে লড়াই, তার রাজনীতি, কর্মধারা, প্রচার, আক্রমণ, কলাকৌশল এসব বুঝেই এটা ঠিক করতে হয়। তৃণমূল এসবের বিশেষ ধার ধারেনা। ভোটের রাজনীতিই তাদের একমাত্র রাজনীতি।



৩ ফেব্রুয়ারি বেহালার রায়নগর মার্চের সভায় ব্যাপক জনসমাগমের একাংশ

জমিতেই করতে হবে। অথচ তৃণমূল নেতৃত্ব এই মূল জায়গা থেকে সরে এসে দাবি তুলছে, জমি দিতে যারা অনিচ্ছুক তাদের জমি ফেরৎ দিতে হবে। কারা ইচ্ছুক ও কারা নয়, এভাবে ভাগ করার দ্বারা বাস্তবে চাষীদের মধ্যে অনৈক্যই সৃষ্টি করা হচ্ছে, আন্দোলনই ক্ষতিগ্রস্ত হচ্ছে। সিপিএম কিন্তু সিঙ্গুরে এই দাবি না মানলেও অন্য প্রবল প্রতিরোধের মুখে পড়ে এই 'ইচ্ছুক-অনিচ্ছুক' দাবি লুফে নেবে। কারণ, সিপিএম জানে, লোভ দেখিয়ে, হুমকি দিয়ে সরকারি দল হিসাবে তাদের পক্ষে এমন 'ইচ্ছুক'-এর সংখ্যা ব্যাপকভাবে বাড়িয়ে নেওয়ার বিশেষ অসুবিধা হবে না।

কেন তৃণমূল মূল দাবি থেকে সরে এল? আসলে তৃণমূল নেতৃত্ব পূজিপিডির আশ্বস্ত করতে চায়। নিজেদের 'দায়িত্বশীল বিরোধী' প্রমাণ করতে চায়। অথচ কৃষিজমি এভাবে ধ্বংসের পরিণাম দেশের পক্ষে ভয়াবহ। এর ফলে দেশে খাদ্যশস্য উৎপাদন মার খাবে। সাম্রাজ্যবাদী দেশগুলো থেকে আমদানির ওপর নির্ভরশীলতা বাড়বে — যেটা সাম্রাজ্যবাদীরা চাইছে এবং ইতিমধ্যে সে প্রক্রিয়া শুরুও হয়েছে।

এখানেই কমরেড শিবদাস ঘোষের সেই ঐতিহাসিক শিক্ষা উল্লেখ করতে চাই। তিনি বলেছেন, শুধু লড়লে, রক্ত চালালে, প্রাণ দিলেই হবে না। লড়াইয়ের নেতৃত্ব, রাজনীতি, লড়াইয়ের রাস্তা সঠিক হওয়া দরকার। ফলে, রাস্তা ঠিক হলে

সিঙ্গুর আবার মাথা তুলে দাঁড়াবে। সিঙ্গুরে এখনও প্রতিবাদের আগুন ঠিকিঠিকি জ্বলছে। আবার ঠিকমতো সংগঠিত হলে ব্যাপকভাবে গণআন্দোলনের আগুন জ্বলে উঠতে পারে। তৃণমূলের নীচুতলার যাঁরা কর্মী তাঁরা সাধারণ ঘরেরই মানুষ। সিপিএমের অত্যাচারে অতিষ্ঠ হয়ে তাঁরা তৃণমূল করছেন। তাঁদের বলছি, আমাদের কথাগুলো আপনারা ভেবে দেখুন।

তৃণমূল নেতৃত্ব কখনও কংগ্রেসের সাথে, কখনও বিজেপির সাথে চলছে। আসলে সবটাই ভোটের হিসাব। কংগ্রেস, বিজেপিও একই হিসাব করে আন্দোলনের মহড়া দিচ্ছে। আর, তাদের সরকারই অন্য রাজ্যে কৃষিজমি দখল ও সেজ চালু করছে। গোটা রাজ্যের জনগণ আজ সিপিএম বিরোধী। এই বিরোধিতাকে পুঁজি করে এইসব শক্তি আগামী পঞ্চায়েত, লোকসভা এবং বিধানসভা ভোটে নিজেদের জমি তৈরি করছে, এরা পুঁজিবাদ ও সাম্রাজ্যবাদের বিরুদ্ধে কিছু বলেনা। আমরা এই ভোটসর্বধ্বংস রাজনীতির মধ্যে নেই। আপনারা আমাদের জানেন। ১৯ বছর ধরে প্রাথমিক স্তরে ইংরেজি ফিরিয়ে আনার জন্য লড়াই করেছি, বুদ্ধিজীবীরা এবং আপনারা সকলে সঙ্গে ছিলেন। আমরা দাবি আদায় করেছি। অন্য কোন রাজনৈতিক দল সেই লড়াইয়ে আসেনি। প্রতি বছর

রোগ প্রতিরোধ করার নামে নোংরা বিজ্ঞাপন প্রচার করা হচ্ছে, আমরা তার বিরুদ্ধে লড়াই। এরকম বহু লড়াই হচ্ছে। আর কোন দল এইসব দাবি নিয়ে লড়াই? জনগণকে নিয়েই আমরা লড়াই। আমাদের শক্তি জনগণ।

আমাদের খবর রেডিও, টিভি, খবরের কাগজে পাবেন না। এদের প্রচার ছাড়াই মহান মার্কসবাদ-লেনিনবাদ-শিবদাস ঘোষের চিন্তার ভিত্তিতে এস ইউ সি আই এগিয়ে চলেছে। শাসকশ্রেণী এর ফলে আতঙ্কিত। ওরা চায়, মানুষ এস ইউ সি আই-এর কথা না জানুক। সাংবাদিকরা আপনাদের ঘরেরই ছেলেমেয়ে। তাঁরা আমাদের অফিসে আসেন। বলেন, 'আপনাদের বক্তব্য শুনে ভাল লাগে বলে আসি। কিন্তু আমাদের কাগজে, আমাদের টিভি চ্যানেলে আপনাদের কোনও জায়গা নেই।' সংবাদমাধ্যমকে কন্ট্রোল করে পুঁজিপতিরা। তাইই ঠিক করে কোন দলকে কেন্দ্রে ও রাজ্যে সরকার রাখবে, কোন কোন দলকে বিরোধী আসনে রাখবে। সেভাবেই প্রচার চালাতে নির্দেশ দেয়। ফলে কোন দল ঠিক বা বৈঠক তা আপনারা সংবাদপত্র পড়ে বুঝতে গেলে ঠিকবেন। এই করে অতীতেও আমাদের দেশের মানুষ ঠকছে। সেজন্যই বারবার যাতে ঠকতে না হয়, তাঁরা জন্য আপনাদের সতর্ক করতে চাইছি।

যেকোন আন্দোলনকে সফল করতে হলে সঠিক বিপ্লবী আদর্শ দরকার, সঠিক বিপ্লবী রাজনীতি দরকার, আর দরকার উন্নত চরিত্র, নৈতিক বল — একথা বলেছিলেন মহান নেতা শিবদাস ঘোষ। তিনি আরও বলেছিলেন, কামান-বন্দুক দিয়ে একটা লড়াইকে ধ্বংস করা যায় না। কামান-বন্দুকের চেয়ে বড় আক্রমণ হচ্ছে, মনুষ্যত্ব মেরে দাও, চরিত্র মেরে দাও — যেটা সবচেয়ে বেশি আজ আমাদের দেশে ঘটছে। এই মেদিনীপুর জেলা ভারতবর্ষের একসময় একটা তীর্থস্থানের মত ছিল। বিদ্যাসাগর এই জেলায় জন্মগ্রহণ করেছিলেন, যিনি রেনেশীসের ধর্মীয় প্রভাবমুক্ত সেকুলার মানবতাবাদের পতাকা বহন করেছিলেন। মেদিনীপুরেই ভারতবর্ষের প্রথম বিপ্লবী শহীদ ক্ষুদ্রারামের উত্থান ঘটেছিল। বিদ্যাসাগর এবং ক্ষুদ্রারামের ঐতিহ্যময় যে মেদিনীপুর, তা গোটা ভারতবর্ষের গর্ব। সেই মেদিনীপুরের আজকে চেহারা কী? গোটা ভারতবর্ষের চেহারা কী? ওরা মদ, জুয়া, স্যাটা, ব্লু-ফিল্ম, নোংরা সিনেমা, নোংরা বইপত্রের স্রোতের মধ্যে গোটা যৌবনকে ডুবিয়ে দিয়েছে। সেই মনুষ্যত্ব নেই, সেই যৌবন নেই। এভাবে নৈতিকতার ক্ষেত্রে একটা ভয়াবহ সঙ্কট সৃষ্টি করেছে। সিপিএমের এক নেতা, যিনি প্রকাশ্যে জনসভায় দাঁড়িয়ে মহিলাদের নিয়ে নোংরা উক্তি করেন, তিনি নাকি এ দলের কর্মীদের আদর্শের ট্রেনিং দেন, চরিদ্রের ট্রেনিং দেন। যে দলের নেতার রচি-সংস্কৃতি এত নিম্নজাতের সেই দলের কর্মীদের কী চরিত্র হবে বলুন! তাই ক্রিমিনালে ভরে গিয়েছে এ দল।

আমাদের বক্তব্য হচ্ছে, দেশের অবস্থা ফেরাতে হলে যৌবনকে নতুন করে জাগাতে হবে। মনুষ্যত্বকে নতুন করে জাগাতে হবে। তার জন্য চাই আরেকটা আন্দোলন। সে আন্দোলনের সূচনা করেছেন মহান নেতা কমরেড শিবদাস ঘোষ। ১১ আগস্ট শহীদ ক্ষুদ্রারামের ফাঁসির দিন। ভারতবর্ষের মানুষ ভুলে গিয়েছিল। কমরেড শিবদাস ঘোষের শিক্ষার ভিত্তিতে এই ১১ আগস্ট শহীদ ক্ষুদ্রারাম দিবস প্রতি বছর আমরা উদ্‌যাপন করি। কলকাতায় আমরাই প্রথম ক্ষুদ্রারামের বিপ্লবী মূর্তি স্থাপন করি। আমরাই ২৩ মার্চ শহীদ ভগৎ শংস দিবস উদ্‌যাপন করাই। আমাদের কর্মীরা শিব জয়ন্তী, নজরুল জয়ন্তী, নেতাজী জয়ন্তী, বিদ্যাসাগর জয়ন্তী, রবীন্দ্র জয়ন্তী মর্যাদার সঙ্গে পালন করে। এই জেলার স্বদেশী

আটের পাঠায় দেখুন

বিপুল উৎসাহ ও উদ্দীপনার সঙ্গে প্রথম ঝাড়খণ্ড রাজ্য মহিলা সম্মেলন অনুষ্ঠিত

অল ইন্ডিয়া মহিলা সাংস্কৃতিক সংগঠন (এ আই এম এস এস)-এর ঝাড়খণ্ড রাজ্য সম্মেলন গত ২৯-৩১ জানুয়ারি রাঁচিতে বিপুল উৎসাহ ও উদ্দীপনার সাথে অনুষ্ঠিত হয়। ২৯ জানুয়ারি জয়পাল সিং স্টেডিয়ামে প্রকাশ্য সমাবেশে রাজ্যের বিভিন্ন জেলা থেকে প্রায় এক হাজার মহিলা অংশগ্রহণ করেন। বিভিন্ন দাবি সম্বলিত ফ্ল্যাগ-ফেস্টুনে সুসজ্জিত দুটি মিছিল শহরের দু'টি প্রান্ত থেকে এসে সভাস্থলে যোগ দেয়। সভা পরিচালনা করেন সংগঠনের রাজ্য সভানেত্রী কমরেড সরলা মাহাতো। সভায় উপস্থিত মহিলাদের স্বাগত

সভানেত্রী কমরেড ছায়া মুখার্জী তাঁর ভাষণে বলেন যে, বর্তমান পরিস্থিতিতে মহিলাদের দুই ধরনের শোষণের শিকার হতে হয়। একদিকে পুঁজিবাদী সমাজের শোষণ ও অত্যাচার, অন্যদিকে পুরুষপ্রধান সমাজের শোষণ ও অত্যাচার। ফলে এই দুই শোষণের বিরুদ্ধে লড়াই করে মেয়েদের যদি মুক্তি অর্জন করতে হয়, তবে নারী মুক্তি আন্দোলনকে পুঁজিবাদী সমাজব্যবস্থা উচ্ছেদ করে সমাজতান্ত্রিক সমাজব্যবস্থা কায়ম করার লড়াইয়ের অবিচ্ছেদ্য অঙ্গ হিসাবে গড়ে তুলতে হবে। এ আই এম এস এসের সাধারণ সম্পাদিকা



প্রতিনিধি সম্মেলনে সংগঠনের সর্বভারতীয় সভানেত্রী কমরেড ছায়া মুখার্জী বক্তব্য রাখছেন

কমরেড এইচ জি জয়লক্ষ্মী বলেন, শুধু পার্লামেন্টে মহিলাদের জন্য ৩৩ শতাংশ সংরক্ষণের দাবি তুলে এ সমস্যার সমাধান হবে না। আমরা কিছু কনসেশন চাই না, আমরা চাই পুরুষের সমান অধিকার, সমান মর্যাদা। এ ছাড়াও প্রকাশ্য অধিবেশনে ওড়িশা রাজ্য কমিটির পক্ষে কমরেড বীণাপাণি দাস, পশ্চিমবঙ্গ রাজ্য কমিটির পক্ষে কমরেড প্রণতি ভট্টাচার্য, বিহার রাজ্য কমিটির পক্ষে কমরেড সাধনা কুমারী বক্তব্য রাখেন।

৩০ ও ৩১ জানুয়ারি মারওয়াড়ী ধর্মশালায় প্রতিনিধি অধিবেশনে বক্তব্য রাখেন এস ইউ সি আই ঝাড়খণ্ড রাজ্য সম্পাদক কমরেড হেম চক্রবর্তী। তিনি মহিলাদের উপর অত্যাচারের বিরুদ্ধে আন্দোলন গড়ে তোলার

সাথে সাথে জনজীবনের অন্য সমস্যাগুলি নিয়েও আন্দোলনে এগিয়ে আসার আহ্বান জানান।

সম্মেলনে কমরেড সরলা মাহাতো সভানেত্রী, কমরেড লিলি দাস সহ-সভানেত্রী, কমরেড কেয়া দে সম্পাদিকা, কমরেড সনকা মাহাতো সহ-সম্পাদিকা এবং কমরেড চন্দনা ব্যানার্জী কোষাধ্যক্ষ হিসাবে নির্বাচিত হন। এছাড়া ১৯ জনের কার্যকরী কমিটি এবং ৩৮ জনের কাউন্সিল গঠন করা হয়।

চটকল শ্রমিকদের ছমকি দিচ্ছে পুলিশ

একের পাতার পর

তিনি ফোড়ের সঙ্গে প্রশ্ন তোলেন, 'ইজমা'র চেয়ারম্যান শ্রী বাজোরিয়া বর্ধমানের মঙ্গলকোট এ এবং অন্য মালিকরা নানা জায়গায় শ্রমিকদের চালু মজুরির থেকেও কম দিয়ে যে মিলগুলি চালাচ্ছেন, রাজ্য সরকার তা দেখেও নীরব থাকছে কী করে? তিনি বলেন, চটের একটা প্রধান ক্রেতা হচ্ছে সরকার নিজে। চটের বাজারও ভাল। সুতরাং মালিকদের লোকসানের কোনও প্রশ্নই নেই। চটশিল্প থেকে মুনাফা করে মালিকরা অন্য খাতে তা সরিয়ে নিচ্ছে। তিনি চটকল শ্রমিকদের বঞ্চনার দিকগুলি তুলে ধরে দাবি জানান, শ্রমআইন লংঘনকারী মালিকদের কঠোর শাস্তি দিতে হবে। কেন্দ্রীয় শ্রমমন্ত্রীকে দেওয়া লিখিত স্মারকপত্রে তিনি গ্যারান্টি আইন সংশোধনেরও দাবি করেছেন।

ধর্মঘটী চটকল শ্রমিকদের প্রতি আহ্বান জানিয়ে কমরেড ভট্টাচার্য বলেছেন, শুধু সরকারের ওপর নির্ভর করে থাকা নয়, দাবি আদায় করতে হলে আন্দোলনকে লাগাতার ও বিস্তৃত করতে হবে। মালিকদের কেন্দ্রীয় কার্যালয় যৌথভাবে ঘেরাও, অবস্থান, এলাকায় এলাকায় যৌথ মিছিল এবং

সমস্ত চটকল শ্রমিকদের যুক্ত করে রাইটার্স অডিয়ানের পথে যেতে হবে। প্রয়োজনে শিল্প ধর্মঘটও করতে হবে। মালিকপক্ষ নানা বিজ্ঞাতিকর প্রচার চালিয়ে এবং দালাল মারফৎ শ্রমিকদের সংগ্রামী ঐক্য ও ধর্মঘট ভাঙার যে যড়যন্ত্র করছে, তিনি সে সম্পর্কে শ্রমিকদের সজাগ থাকার আহ্বান জানিয়ে বলেন, ঐক্য ও লড়াই দুর্বল হলে মালিকী শোষণ আরও তীব্র হবে।

১৮ ফেব্রুয়ারি উত্তর ২৪ পরগণায় ইউ টি ইউ সি-লেনিন সরণী'র নেতৃত্বে গৌরীশঙ্কর জুট মিল থেকে জগদল জুট মিল পর্যন্ত শ্রমিকদের পদযাত্রা অনুষ্ঠিত হয়। বাঁশবেড়িয়া জুট মিলের শ্রমিকদের হস্ততাল ১১০ দিন পার হয়েছে। মালিক চরম ঔদ্ধত্যে কোন আলোচনাতেই আসছে না। এর প্রতিবাদে ১৯ ফেব্রুয়ারি সকালে কয়েকশ শ্রমিক কল্যাণী হাইওয়ে অবরোধ করলে পুলিশ লাঠিচার্জ করে। শুধু তাই নয়, পুলিশ তার অধিকারের সীমা অতিক্রম করে ছমকি দেয় যেন এ এলাকায় শ্রমিকদের ইউনিয়ন অফিসটি এদিন থেকে বন্ধ করে দেওয়া হয়। মালিকদের পাশাপাশি প্রশাসনের এই ঔদ্ধত্য আবার প্রমাণ করে যে, এরা জোড় পরিপূর্ণ মালিকীরা কায়ম হয়েছে।

পাঞ্জাব বিধানসভা নির্বাচনে এস ইউ সি আই

পাঞ্জাবে এস ইউ সি আই-এর সাংগঠনিক কাজকর্ম অল্পদিন শুরু হলেও সদ্য সমাপ্ত পাঞ্জাব বিধানসভা নির্বাচনে এস ইউ সি আই একটি আসনে প্রতিদ্বন্দ্বিতা করে সংশ্লিষ্ট এলাকায় যথেষ্ট সাড়া ফেলেছে। বাদলাদা বিধানসভা কেন্দ্রে দলের প্রার্থী ছিলেন কমরেড যশবীর কাউর।

সেখানে কর্মীর প্রথমেই অত্যন্ত দ্রুততার সঙ্গে নির্বাচনের খরচ যোগাড় করতে অর্থসংগ্রহে নেমে পড়েন এবং পোস্টার, হ্যান্ডবিল ছেপে প্রচার শুরু করে দেন। পথসভা, গ্রাম বৈঠক, এবং বাড়ি বাড়ি প্রচার চলতে থাকে। কমরেড প্রতাপ সামল এবং হরিয়ানার কমরেড রমেশ প্রচার কাজ পরিচালনায় সাহায্য করেন। পরে দিল্লি ও গোয়ায়ালির থেকে কমরেডস্ ভাস্কর ও সুনীলগোপাল উপস্থিত হন এবং ভাষাগত অসুবিধা সত্ত্বেও প্রচারের কাজে ব্যাপক উদ্যোগ গ্রহণ করেন।

হরিয়ানা রাজ্য কমিটির সম্পাদক কমরেড সত্যনান গ্রামে গ্রামে জনসভায় বক্তব্য রাখেন। তিনি কংগ্রেস, বিজেপি, আকালি, বিএসপি এবং মেকিকমিউনিস্ট সিপিআই-সিপিএমের শ্রেণীচরিত্র বিশ্লেষণ করে দেখান যে, এই দলগুলির প্রতিটিই পুঁজিপতিশ্রেণীর স্বার্থ রক্ষা করছে। তিনি কৃষকজীবনের সমস্যা এবং এসইজেড-এর সর্বনাশা দিক নিয়েও আলোচনা করে বলেন, শ্রমিকশ্রেণীর যথার্থ প্রতিনিধি হিসাবে একমাত্র এস ইউ সি আই প্রতিনিধিই পারে বিধানসভায় শোষিত মানুষের যথার্থ কণ্ঠকে তুলে ধরতে ও তাদের স্বার্থে লড়াই করতে।

জনসভাগুলিতে কমরেড যশবীর কাউর কন্যাজগ হত্যার বিরুদ্ধে দলের আন্দোলনের কথা তুলে ধরেন। এই সংগ্রামের ফলে জগের লিপ্স নির্ণয়ের বিরুদ্ধে সরকার আইন তৈরি করেছে। শিক্ষার বেসরকারীকরণ ও নারীজীবনের সমস্যাগুলির বিরুদ্ধে পার্টি পরিচালিত সংগ্রামের কথাও তিনি উল্লেখ করেন।

জনগণের পুঞ্জীভূত ক্ষোভ যাতে আন্দোলনে ফেটে না পড়ে এবং সংসদীয় চৌহদ্দির মধ্যেই আটকে থাকে এই উদ্দেশ্যে কীভাবে বুর্জোয়ারা তাদের স্বার্থবাহী একটি পার্টিতে সরিয়ে আর একটি পার্টিতে ক্ষমতায় বসায়, পাঞ্জাব রাজ্য সংগঠনী কমিটির সম্পাদক কমরেড অমিন্দর পাল সিং জনসভাগুলিতে তা ব্যাখ্যা করেন। তিনি দ্বি-দলীয় পান্টা-পার্টির রাজনীতির বিপরীতে শ্রমিকশ্রেণীর স্বার্থবাহী রাজনীতি চিনে নিতে জনগণকে আহ্বান জানান। পাঞ্জাব ও পশ্চিমবঙ্গের এসইজেড বিষয়ে সিপিএম এবং সিপিআই কীভাবে দুমুখে আচরণ করছে সেটা দেখানোর সাথে সাথে তিনি অকালি দলের চরিত্র উদ্ঘাটিত করে শ্রমিকশ্রেণীর সাক্ষাৎ দল এস ইউ সি আই-কে শক্তিশালী করার আহ্বান জানান। ডি এস ও কর্মীরা নির্বাচনী প্রচারাে গুরুত্বপূর্ণ ভূমিকা পালন করে এবং দিবারাত্র পরিশ্রম করে সমগ্র বিধানসভা এলাকাতেই পার্টির বক্তব্য সৌঁছে দেয়। প্রায় প্রতিটি সভাতেই সাধারণ মানুষ গভীর আগ্রহে পার্টির বক্তব্য শোনেন এবং অনেকেই পার্টি সম্পর্কে আগ্রহ ও জানার আগ্রহ প্রকাশ করেন ও সমর্থনে এগিয়ে আসেন।

বাসের ন্যূনতম ভাড়া ২ টাকা করার দাবি জানাল পরিবহন যাত্রী কমিটি

পরিবহন যাত্রী কমিটির সাধারণ সম্পাদক সদানন্দ বাগল ১৮ ফেব্রুয়ারি এক বিবৃতিতে বলেন : গত ২৯ নভেম্বর কেন্দ্রীয় সরকার পেন্টেল ও ডিজেলের মূল্য যথাক্রমে লিটার প্রতি ২ টাকা ও ১ টাকা করে কমানোর ঘোষণা করার পর রাজ্য পরিবহন মন্ত্রী বলেছিলেন, বাস সহ পরিবহনের ভাড়া কমানো হবে। কিন্তু মালিকরা ভাড়া কমাতে অস্বীকার করলে মন্ত্রী আর কোন উদ্যোগ নিলেন না। আবার গত ১৫ ফেব্রুয়ারি পেন্টেল-ডিজেলের দাম কমানোর ফলে দু'দফায় মোট লিটার প্রতি পেন্টেল ৪ টাকা এবং ডিজেল ২ টাকা কমল। পেন্টেল ও ডিজেলের সামান্য মূল্যবৃদ্ধিকে অজুহাত করেই যে সরকার পরিবহনের ভাড়া বাড়ায়, এবার কিন্তু সেই সরকার পেন্টেল-ডিজেলের দাম কমা সত্ত্বেও ভাড়া কমানো সম্ভব নয় বলে ঘোষণা করে দিয়েছে। উল্লেখযোগ্য যে ১৯৮৫ সালের ৯ই এপ্রিল রাষ্ট্রসংঘের 'কনজিউমার প্রোটেকশন অ্যাক্ট'-এ যাত্রী স্বাচ্ছন্দ্যে পরিবহনের উপর সবচেয়ে বেশি গুরুত্ব দিতে বলা হলেও এ রাজ্যের সরকার সে ব্যাপারে সম্পূর্ণ উদাসীন।

আমরা দাবি করছি, ১) অবিলম্বে বাস ট্যাক্স সহ পরিবহনের ভাড়া কমাতে হবে, ২) যাত্রী কমিটি সহ একটি বিশেষজ্ঞ কমিটি গঠন করে ন্যায্য ভাড়া নির্ধারণ করতে হবে, ৩) পেন্টেল-ডিজেলের উপর কেন্দ্র-রাজ্য সরকারের অতিরিক্ত কর-সেস প্রত্যাহার করতে হবে, পুলিশি হারানি বন্ধ করতে হবে, ৪) কিলোমিটারে কারচুপি বন্ধ করতে হবে, ৫) যাত্রী স্বাচ্ছন্দ্যে সর্বাধিক গুরুত্ব দিতে হবে এবং ৬) বাসের ন্যূনতম ভাড়া ২ টাকা ঘোষণা করতে হবে।

কর্গাটকে মনসান্তো কর্মীদের দাবি আদায়

বেলারি থেকে দশ কিমি দূরে সিরগুয়ারে আমেরিকান বহুজাতিক কোম্পানি মনসান্তোর একটি বীজ খামার রয়েছে। এখানে প্রায় ৩০০ জন শ্রমিক বিভিন্ন কনট্রাক্টরের অধীনে কাজ করেন। কিন্তু শ্রমিকদের প্রতিডেট ফান্ড, গ্যারান্টি, ন্যায্য ছুটি, বোনাস ইত্যাদি থেকে বঞ্চিত রাখা হয়েছিল। এমনকী ওভার টাইম খাটালেও তার বেতন দেওয়া হত না।

স্বাভাবিকভাবেই এই বঞ্চনা শ্রমিকদের মধ্যে তীব্র অসন্তোষের জন্ম দেয়। তাঁরা ইউ টি ইউ সি-লেনিন সরণীর নেতৃত্বে গত ৮ জানুয়ারি ফ্যান্টারি অফিসের সামনে ধর্মীয় সামিল হন। ৪৮ ঘণ্টা ধরে অফিসের সামনে অবস্থান চলে। আন্দোলনের চাপে অবশেষে এই গ্ল্যাটের

অফিসার হায়দরাবাদ থেকে ছুটে আসতে বাধ্য হন এবং শ্রমিক প্রতিনিধিদের সাথে আলোচনায় বসেন। কর্তৃপক্ষ প্রতিডেট ফান্ড, ওভারটাইম বেতন, বোনাস এবং গ্যারান্টি প্রভৃতি দেওয়ার দাবি মেনে নেন। শ্রমিকদের নিয়মিতকরণের দাবিও উর্ধ্বতন কর্তৃপক্ষকে জানানো বাসলে সংশ্লিষ্ট কর্তৃপক্ষ প্রতিনিধিদের আশ্বাস দিয়েছেন। প্রতিনিধি দলে নেতৃত্ব দেন ইউ টি ইউ সি-লেনিন সরণীর কর্ণাটক রাজ্য সম্পাদক কমরেড কে সোমশেখর।

আন্দোলনের মধ্য দিয়ে এই ন্যায্য দাবি আদায় শ্রমিকদের মধ্যে উৎসাহ সৃষ্টি করে। তারা খামারে ইউ টি ইউ সি-লেনিন সরণীর নেতৃত্বে শ্রমিক সংগঠন গড়ে তোলার সিদ্ধান্ত নেন।

গণছুটিতে কর্মচারীদের ব্যাপক সাড়া

২২টি সংগঠন নিয়ে গঠিত 'বৌথ সংগ্রামী মঞ্চ'-র ডাকে ১৫ ফেব্রুয়ারি এ রাজ্যের সরকারি-আধাসরকারি কর্মচারী ও শিক্ষক-শিক্ষিকারীরা কো-অর্ডিনেশন কমিটির একাংশের প্রবল বাধা ও হুমকিকে উপেক্ষা করে ঐক্যবদ্ধভাবে মাথা তুলে দাঁড়ালেন। মহাকরণ, নবমহাকরণ সহ জেলায় জেলায় ৫৫-৬০ শতাংশ কর্মচারী তাঁদের ১০ দফা দাবিতে 'গণছুটি' নিয়ে সিপিএম সরকারের শ্রমিক-কর্মচারী-শিক্ষক স্বার্থবিরোধী নীতি ও পদক্ষেপের বিরুদ্ধে প্রতিবাদ জানালেন। রাজ্যের বহু শিক্ষা প্রতিষ্ঠানও কার্যত বন্ধ ছিল। সরকারের পৃষ্ঠপোষক কোঅর্ডিনেশন কমিটির সমর্থকরাও নেতৃত্বের ফতোয়াকে উপেক্ষা করে এই গণছুটিতে অংশ নেন। চায়ীর জমি জোর করে কেড়ে নিয়ে দেশি-বিদেশি মালিকদের হাতে তুলে দেওয়ার বিরুদ্ধে তারা সোচ্চার হন। 'বৌথ সংগ্রামী মঞ্চ'র আহ্বায়ক ফটিক দে এবং অন্যান্য নেতৃত্বদ গণছুটিতে অংশগ্রহণকারী কর্মচারী ও শিক্ষকদের অভিনন্দন জানিয়ে বলেছেন — রাজ্য সরকার এই দাবিগুলি না মানলে আগামী দিনে ধর্মঘটের মতো আরও বৃহত্তর আন্দোলন গড়ে তোলা হবে। জয়েন্ট প্লটফর্ম অফ অ্যাকশন (জেপিএ)-এর সহসভাপতি ও রাজ্য কোঅর্ডিনেটর বিমল জানা বলেন — সিপিএম ফ্রন্ট সরকার কেন্দ্রীয় কিংবা অন্যান্য রাজ্য সরকারের মতোই দেশি-বিদেশি মালিকদের স্বার্থে এ রাজ্যের বিশ্বায়নের নীতিকে কার্যকর করছে আর আর্থিক সঙ্কটের অভ্যুত্থানে কর্মচারীদের ন্যায্য প্রাপ্য দিচ্ছে না। কেন্দ্রীয় সরকার ও ১৭টি রাজ্য সরকার ৫০ শতাংশ ডি এ মূল বেতনে যুক্ত করলেও এই রাজ্যের সিপিএম সরকার তা না করে এক একজন কর্মচারীকে প্রতি মাসে প্রতি হাজারে ৩৪০ টাকা

হিসাবে বঞ্চিত করে ডিসেম্বর '০৬ পর্যন্ত প্রায় ৬০/৭০ হাজার টাকা বঞ্চিত করেছে। ২ লক্ষাধিক শূন্যপদে নিয়োগ হচ্ছে না। কর্মরত অবস্থায় মৃত অথবা অক্ষম কর্মীর পোষ্যের চাকুরির সুযোগও নেড়ে নেওয়া হচ্ছে। আজও মাসিক ১৭৫ টাকা বেতনে ওয়াটার কারিয়ার, সুইপাররা এবং মাত্র ৫০ টাকা বেতনে কমিউনিটি হেলথ গাইডরা কাজ করতে বাধ্য হচ্ছেন। হাজার হাজার অনিয়মিত কর্মীদের নিয়মিত করা হচ্ছে না। এই সরকার চাইলেই বোনাস আইন সংশোধন করে সকলকে ন্যূনতম ৮.৩৩ শতাংশ বোনাস দিতে পারে, আধা সরকারি কর্মচারী ও শিক্ষক-শিক্ষিকারীদের ক্ষেত্রে ৮ - ১৬ - ২৫ বছরের কারিয়ার অ্যাডভান্সমেন্ট স্কিমের সুযোগ দিতে পারে, তা তারা দিচ্ছে না। এই সরকারের শ্রমিক স্বার্থবিরোধী নীতি ও কার্যকলাপ যে শ্রমিক কর্মচারীরা মেনে নেবে না, ১৫ ফেব্রুয়ারির সফল গণছুটি সেটাই দেখিয়ে দিয়ে গেল।

পূর্বলিয়ায় মিছিল, বিক্ষোভ

অন্যান্য জেলার মতো পূর্বলিয়া জেলাতেও গণছুটির সমর্থনে দপ্তরে দপ্তরে, শিক্ষাপ্রতিষ্ঠানে দলবদ্ধ প্রচার ও ব্যাপকহারে প্রচারপত্র বিলি করা হয়। দাবির সমর্থনে কর্মচারীরা 'গণছুটি'র সাফল্য কামনা করেন। এই কর্মসূচিকে বাস্তবায়ন করার জন্য সরকার মদতপুষ্ট সংগঠন উঠে পড়ে লাগে। এমনকী প্রশাসনের একাংশকে এই কাজে ব্যবহার করার চেষ্টা করে। কর্মচারীদের একটা বিরাট অংশ সমস্ত প্রকার ভয়ভীতিকে উপেক্ষা করে ১৫ ফেব্রুয়ারি 'গণছুটি' কর্মসূচিতে অংশগ্রহণ করেন। পরে কর্মচারীরা পূর্বলিয়া শহরে মিছিল করেন এবং জেলাশাসকের দপ্তরের সামনে বিক্ষোভ দেখান।



১৫ ফেব্রুয়ারি গণছুটির দিন রাইটার্সের ছবি

এস ই জেড-এর বিরুদ্ধে সর্বভারতীয় আন্দোলনের লক্ষ্যে ওয়ার্ধায় কনভেনশন

গত ৯ থেকে ১১ ফেব্রুয়ারি ওয়ার্ধার সেবাগ্রামে এস ই জেড এর বিরুদ্ধে সর্বভারতীয় আন্দোলন গড়ে তোলার লক্ষ্যে একটি বিশেষ অধিবেশন অনুষ্ঠিত হয়। এই অধিবেশনে বিশেষ আমন্ত্রিত হিসাবে এস ইউ সি আই পশ্চিমবঙ্গ রাজ্য কমিটির সদস্য কমরেড সাদানন্দ বাগল, এস ইউ সি আই নাগপুর জেলা কমিটির সম্পাদক কমরেড মাধব ভোড়ে এবং সিদ্ধুর কৃষিজমি রক্ষা কমিটির বিশিষ্ট সদস্য কমরেড দীপক সিংহ উপস্থিত ছিলেন।

৯ ফেব্রুয়ারি উদ্বোধনী সমাবেশ সভাপতি ছিলেন ডঃ রাকেশ রফিক, প্রধান অতিথি ছিলেন বাডুখণ্ড আদিবাসী উন্নয়ন সংঘের চেয়ারম্যান ডঃ বি ডি শর্মা, বিশেষ অতিথি ছিলেন বিশিষ্ট সমাজকর্মী মেধা পাটকর এবং ডঃ ঠাকুর দাস বাগ।

এই সভায় প্রতিনিধিদের পক্ষ থেকে প্রথম বক্তব্য রাখেন কমরেড সাদানন্দ বাগল এবং কমরেড দীপক সিংহ।

আলোচ্য বিষয় ছিল 'বিশেষ অর্থনৈতিক অঞ্চল'। এই অধিবেশনে মহারাষ্ট্র, দিল্লি, বাডুখণ্ড,

ছত্রিশগড়, বিহার, ওড়িশা, পশ্চিমবঙ্গ, উত্তরপ্রদেশ, তামিলনাড়ু, মধ্যপ্রদেশ, কোরলা প্রভৃতি রাজ্যের প্রতিনিধিরা উপস্থিত ছিলেন। তিনদিনের ৬টি অধিবেশনেই কমরেড সাদানন্দ বাগল, কমরেড মাধব ভোড়ে এবং কমরেড দীপক সিংহ বক্তব্য রাখেন।

এস ইউ সি আই সেখানে সিদ্ধুর ও নন্দীগ্রামের আন্দোলনের চিত্র প্রদর্শনীর ব্যবস্থা করেছিল যা প্রতিনিধিদের বিশেষভাবে আকৃষ্ট করে। সভায় এস ই জেড ছাড়াও, আন্দোলন কীভাবে পরিচালিত হবে, হিন্দু, অহিন্দু, সত্যগ্রহ, এন জি ও'র ভূমিকা প্রভৃতি বিভিন্ন প্রশ্নে এস ইউ সি আই-এর বক্তব্য প্রতিনিধিদের মধ্যে বিশেষ আলোড়ন সৃষ্টি করে এবং তাঁরা পাট আয়োগিত বুক স্টল থেকে সর্বহারার মহান নেতা কমরেড শিবদাস ঘোষের রচনাবলী সংগ্রহ করেন। অনেকেই দল সম্পর্কে আরও জানবার আগ্রহ প্রকাশ করেন। সমাপ্তি অধিবেশনে মেধা পাটকর পূর্জিপতিদের জমি অধিগ্রহণের বিরুদ্ধে ঐক্যবদ্ধ আন্দোলনের আহ্বান জানান।

এ আই ডি এস ও'র আন্দোলনের চাপে কেরালার সিপিএম সরকার যৌনশিক্ষা বন্ধ রাখতে বাধ্য হয়েছে।

(বিস্তারিত আগামী সংখ্যায়)

জনগণের ট্যাক্সের টাকায় টাটার জমি পাহারা

সিদ্ধুরে টাটার জন্য জমি পাহারা দিতে গত ডিসেম্বর মাসেই রাজ্য সরকার প্রায় ২৯ লক্ষ টাকা খরচ করেছে। পুলিশদের ক্যাম্প তৈরি, হোটেল খরচ, বিদ্যুৎ বিল সহ নানা জিনিসপত্র কিনতে এই টাকা খরচ হয়েছে। পরবর্তী দেড় মাসে এই পরিমাণ আরও বেড়েছে। কোন্ খাতে কত খরচ, তার যে হিসাব হুগলি জেলা পুলিশ সরকারকে দিয়েছে তা নিম্নরূপঃ

১। হোটেল বিল	৬,৬৯,৬০০ টাকা
২। বিদ্যুৎ বিল	৩,৪,৪০০ টাকা
৩। বালতি, মগ, জগ	৬,১,৫০০ টাকা
৪। জল, শৌচাগার, মাঠ পরিষ্কার	১৪,১৩,০০০ টাকা
৫। ডেকরেটর	১,০০,০০০ টাকা
৬। বিদ্যুৎ (অস্থায়ী টিকাদার)	৯৫,০০০ টাকা
৭। বেড়া ঘিরে পুলিশের	
বসার জায়গা নির্মাণ	৪,৬৫,২৫০ টাকা
মোট	২৮,৩৮,৭৫০ টাকা

(সূত্রঃ আনন্দবাজার পত্রিকা ১১-২-০৭)

মার্কসবাদ-লেনিনবাদ-কমরেড শিবদাস ঘোষের চিন্তাধারাই অপরাডেয় শক্তির উৎস

ছয়ের পাতার পর

আন্দোলনের প্রখ্যাত বিপ্লবী শ্রেয় বিমল দাশগুপ্ত মহাশয় অবহেলিত অবস্থায় পড়েছিলেন। আমরা পশ্চিমবঙ্গের জনগণের কাছে আবার তাঁকে নিয়ে গিয়েছি। এই শহরের নাগরিকদের সহযোগিতায় তাঁর একটা মূর্তি এখানে স্থাপিত হয়েছে। এগুলো এমনি এমনি আমরা করি না। আমরা বহন করছি কমরেড শিবদাস ঘোষের একটি অমূল্য শিক্ষা। তিনি বলেছেন, অতীত যুগের বড় মানুষদের কাছ থেকে, বিপ্লবীদের কাছ থেকে শেখো। আজকের দিনে মার্ক্সবাদী বিপ্লবী হতে হলে পুরনো দিনের বড় মানুষদের থেকে, পুরনো দিনের বিপ্লবীদের থেকে শিখতে হবে। এ একটা আন্দোলন। এটা আমাদের দলের একটা জীবন্ত সাধনা।

আমাদের ছেলেমেয়েরা পুলিশের মার খায়,

রক্ত বারায়। আমাদের ২৮ জন নেতা-কর্মী যাবজ্জীবন কারাদণ্ডে দণ্ডিত। আমাদের ১৪১ জন নেতা-কর্মীকে সিপিএম খুন করেছে। অন্য কোন দলের এত ক্ষয়ক্ষতি হয়নি। আমাদের ৩৪৩ জনের বিরুদ্ধে মার্ভার কেসের মামলা চলছে এবং সমস্ত মিথ্যা মামলা। কিন্তু সিপিএম পারেনি আমাদের নত করতে। এই শক্তি আমাদের কর্মীরা কোথাকো পায়? সরকারের, এমএলএ-এমপি'র জোরে? প্রচারের ব্যাকিং-এ? না, এ হচ্ছে বিপ্লবী আদর্শের শক্তি। মহান মার্ক্সবাদী চিন্তানায়ক কমরেড শিবদাস ঘোষের শিক্ষার শক্তি। এটাই আমাদের শক্তির উৎস।

তাই আপনাদের বলতে চাই, এই আন্দোলন দাবি আদায় না হওয়া পর্যন্ত আমরা চলিয়ে যাব। এর জন্য চাই এলাকায় এলাকায় গণকর্মিটি,

ভলাটিয়ার বাহিনী। যেসব জায়গায় কৃষিজমি দখল হচ্ছে না, সেখানেও অন্যান্য দাবিতে এই গণকর্মিটি ও ভলাটিয়ার বাহিনী সংগ্রামের হাতিয়ার হিসাবে আপনারা গড়ে তুলুন। আর চাই চরিত্রের সাধনা। আর ভোটের রাজনীতির স্বার্থে যারা আন্দোলনে আছে, তাদের সম্পর্কে আপনারা সতর্ক থাকবেন। নিচুতলায় যে গণকর্মিটি হবে, তাতে সিপিআই-সিপিএম-কংগ্রেস-তৃণমূল সমস্ত দলের লোকজন আসুন। যারা এই আন্দোলনের পক্ষে আমরা তাদেরই চাই। আমরা বলব, অন্ধের মত কাউকে মানবেন না। আমাদেরও বিচার না করে বিশ্বাস করবেন না। গণকর্মিটি বসে বিভিন্ন দলের কর্মসূচি-নীতি নিয়ে আলোচনা করবে, বিচার করবে। তার ভিত্তিতে তারা কার্যক্রম ঠিক করে আন্দোলন করবে। সমস্ত জায়গায় এই

গণকর্মিটিগুলি এবং ভলাটিয়ার বাহিনী গড়ে তোলা দরকার। এই আহ্বানটা দলের তরফ থেকে আমি আপনাদের সামনে রাখছি। আবার আমি আপনাদের অভিনন্দন জানাচ্ছি এবং এই বিশ্বাস রাখি যে, এই আন্দোলনকে শক্তিশালী করার জন্য, সফল করার জন্য আপনারা সর্বাত্মক সাহায্য করে যাবেন। আর আমাদের দলের বক্তব্য যদি সঠিক মনে করেন, আপনারা যারা প্রবীণ তাঁরা সহযোগিতা করবেন, যারা যুবক তাঁরা এগিয়ে আসবেন, যাতে আমাদের দল আরও শক্তিশালী হয়ে গড়ে উঠতে পারে।

গণদাবী সম্পাদকীয় দপ্তরের

নতুন ফোন নম্বর

২২২৭১০১৭